

“Ndwenseiq Cobet”:

Ciet Lienzvuen Hoenghhwd Beixnuengx Myauzcuz

“四月八”——苗族同胞盛大的联欢节

□Lungz Hinghcungh ingj Sinhyungz hoiz



▲ Caez diuq foux mbaenj fuk, muengh ngoenzcog engq ndei.



▲ Ciengq go youh diuq foux, angq coux hekgviq daengz.



▲ Ciengzmienh caeqbaiq hoengh, ndaej dem faenh angqyangz.



▲ Dahsau cang gyaueget, bae cet cimh daegmbauq.



▲ Guhdoih bae “ciep lungz”, muengh vuenyungz ciengxlwenx.



▲ Ngoenzciet gyoengqnyez angq, simlangh caemh ciengq go.

Moix bi liggaueq ndwenseiq cobet dwg gij ngoenzciet conzdung Myauzcuz ndawde aen ciet lienzvuen hoenghhwd ndeu. Ngoenz haenx, gyoengq beixnuengx Myauzcuz cungj cangndang moqsup gyaueget caez daeuj daengz diegnywj diegdangz, angqyangz dwk ciengq go diuq foux, guh gak cungj gak yiengh hozdung, ciengzmienh hoenghhwd nauhyied, ndaej heuhguh ciet caeq cojcoeng, ciet yinghyungz, ciet lienzvuen beixnuengx Myauzcuz, hamz miz gij cingsaenz minzcuz caeuq vwnzva minzcuz nanwt laeglwd.

Ciet “ndwenseiq cobet” Myauzcuz dwg daj gij hozdung caeqbaiq bienq daeuj, caeq mbwn caeq deih caeq cojcoeng, caeqbaiq yinghyungz caeq saenzlingz, riengzdwk seizdaih boekbienq, gij haengj gij yinx beixnuengx Myauzcuz caemh miz bienqvaq, hozdung ngoenzciet ciemhciemh demgya le yienj go foux caeuq bouxcoz doiq fwen gyau youx, caemh miz le guh gaicawx, lijyouz daengj hozdung, hawj ngoenzciet neiyungz engq fungfouq lai yiengh.

Ngoenz “ndwenseiq cobet”, gyoengq beixnuengx Myauzcuz

cungj daenj dauq buhvaq gyaundeie ngoenzciet, caezgya comz daengz diegnywj diegdangz, caeqbaiq cojcoeng, caeqbaiq goengcoj yinghyungz, caeqbaiq saenzlingz; hozdung caeqbaiq guhsat le couh guh gak cungj gak yiengh byaujyenj, lumjbaenz ciengq go doiq fwen, diuq fouxgyong, benz laebakcax daengj, bouxyawj bouxdingq humx le caengz dem caengz caenx dwk ndaetfwdfwd, angqyangz nauhyied raixcaix.

Ngoenzciet “ndwenseiq cobet” Myauzcuz, youq Huznanz Swngj Fungvangz Yen heuhguh cietdiuqva, youq Huznanz Suihningz Yen daengj dieg heuhguh cietlwsau, youq Gveicouh Swngj Gveiyangz, Veisuij daengj dieg cix heuhguh “cietyanuj”, dwg caeqbaiq boux yinghyungz Myauzcuz ciuhgeq. Doengh gijneix cungj yienh’ok le gij daegdiemj saenqyiengj vwnzva cunghgyau Myauzcuz, youq ndaw aenhaj go foux gvangqlangh neix, gyoengqvunz ndaej roxyiuj lizsij, fungsug Myauzcuz lai cungj lai yiengh, ndaej youq ndaw ngoenzciet caeuq beixnuengx Myauzcuz doengzcaez angqyangz mbat gaeuq ndeu.



▲ Fad max beij buet vaiq, vunzlai angq hemq ndei.



▲ Ngoenzciet caen nauhyied, mehmbwk beggen ak.



▲ Naihlaux daenj moqsak, caen sek da yinx vunz.



▲ Sing luzswnggh hap rwenz, beixnuengx caez daeuj angq.



▲ Goengsae guh caeqbaiq, daiq vunzlai “ciep lungz”.